

Dispvtationes Theologicae

Quatuor Tomis distinctæ: Qvibus Vniversa Theologia Scholastica Clare,
Breviter & accuratè explicatur

De Deo, Et De Angelis

Martinon, Jean

Burdegalae, 1644

Sect. 1. An quidquid præter Deum existit, ab ipso sit.

[urn:nbn:de:hbz:466:1-73898](#)

S E C T I O I.

An quicquid preter Deum existit,
ab ipso sit?

ONCLUSIO affirmativa est de fide: ut patet pri mō ex variis Scripturæ locis, quibus aperit et traditur Deum unicum esse, à quo cætera omnia, nullo excepto, sunt condita. Omnia per ipsum facta sunt, & sine ipso factum est nihil. Ioan. I. Græc. id est, id est, ne vnum quidem, vel ut habet textus Syriacus, sine ipso ne vnum quidem fuit, qui quid fuit. Item, Ex ipso, & per ipsum, & ab ipso sunt omnia Roman. I. vers. vlt. & Diligit omnia quæ sunt, & nihil odisti eorum que fecisti. Nec enim odiens aliquid constitueristi aut fecisti. Quomodo autem posset aliquid permanere, nisi tu soluisses: aut quod à te vocatum non esset, conservaretur? Sapient. I. in fine. Vbi Natura I. pro eodem sumi, omnia à Deo facta, & omnia quæ sunt, scilicet extra ipsum. Natura 2. hæc & similia loca non ita debere intelligi, quasi tantum afferant Deum esse factorem eorum quæ sunt facta quomodo conque: sed simpliciter quod à factor omnium quæ sunt, & non sunt Deus. Hoc enim sonant verba illa Ioan. I. Omnia per ipsum facta sunt, & alia citata: idque inculcant maximè ut recurrere nos doceant ad Deum unicum, veluti conditorem & Dominum aliorum omnium: iuxta illud Esther I. vers. 12. Tu fecisti cælum & terram, & quicquid cæli ambitu continetur, Dominus uniuersorum es. Imò negant expressè aliud quidquam existere, nisi ex eius voluntate & effectione: Quomodo posset aliquid permanere, nisi tu soluisses: aut quod à te vocatum non esset (id est iussu & imperio, vel efficacia voluntatis tue producendum) conservaretur? Sap. II.

Idem secundū tradit expressè Concilium Nicænum I. in Symbolo fidei, vbi pro primo articulo ponitur vnum esse Deum, factorem cœli & terra, visibilium omnium & invisibilium: & Lateran. sub Innocent. III. cap. I. de Summa Trin. & fide Catholica, vbi in ipsa fidei professione affirmat vnum solum esse Deum, tres personas, vnum principium uniuersorum, creatorem omnium visibilium & invisibilium, spiritualium & corporalium, qui sua omnipotenti virtute simul ab initio temporis tramque de nihilo condidit creature, &c. Idemque confirmat cap. sequenti afferens essentiam diuinam esse vnum uniuersorum principium.

Accedit tertio ratio naturalis, quā demonstratur necessarium esse dari aliquod ens à se, & illud esse unicum, à quo sunt cætera omnia. Etenim omnino necessarium est aliquem esse productorem omnis entis ab alio. Et ille non est ens ab alio: ergo à se necessariu, id est, non ab alio, sed existens necessario ex vi sua perfectionis essentialis. Pri-

ma pars antecedentis patet, quia omne ens ab alio, sive finitum illud sit, sive infinitum, id est, tota collectio entis ab alio, sive finita sit sive infinita, non habet in se principium sufficiens, quo tota extrahatur ex nihilo. Si tamen ergo multitudo lapidum, sive finita, sive infinita, quia non habet in se principium motus sursum, eget motore extrinseco à quo sit motus origo: sic &c. Secunda pars etiam patet: si enim illud ens, à quo est omne ens ab alio, esset ens ab alio: esset a seipso, siquidem est id à quo est omne ens ab alio, ergo & ipsiusmet, si ipsum in se est etiam ens ab alio, contentum intra latitudinem omnis entis ab alio. Nam illud ens non esse nisi unicum, à quo propinde sunt cætera omnia, probatur quia tale ens, hoc ipso quod est à se, est simpliciter infinitum. Ego unicum, continens perfectiones omnes illius naturæ, quæ alioqui in pluribus individualiis diuisa forent atque dispersa. Vnde sequitur quicquid existit, aut esse illud ens unicum à se existens, aut ab illo productum. Qua de te plura diximus disp. 2. & 3. & 4. In hunc sensum interpretor quod ait D. Thom. qu. 44. art. 1. in corp. Quid est ens actuale seu existens tantum per participationem, debet esse tale ab ente per essentiam, id est, existente vi sua essentia, cuius formaliter, tunc etiam fundamentaliter. At Deus solus est per essentiam, cætera vero per participationem tantum existunt: ego &c.

Hinc collige primò etiam materiam primam fuisse à Deo creata, ut docet S. Thom. q. cit. art. 2. quia illa quoque per participationem existit. Et cum sit formis sub prima fuisse à Deo creata, substantialibus imperfectior: mirum esset formas non existere à se, ut experientia notum est: & tamen materiam existere à seipso, quod signum est maxime perfectionis. Item si à se ipsa existere, cur tam exigua & cur ita determinata? cur non quanta esse potuit: cum in iis quæ sunt à se, id est esse & posse esse, quia necessariò sunt ex essentiali sufficientia, & absoluta necessitate existendi? Denique ut recte D. Thom. art. cit. Deus non tantum causat entia creata inquantum talia vel talia sunt ratione formarum: sed abolute & totaliter inquantum entia, id est secundum totum suum esse.

Collige secundò, in modo sibi extra Deum esse non productum ab ipso, sed neque absolute esse posse. Tum propter illud Sap. II. Quomodo posset aliqui permanere &c. quia etiam de causa soli Deo tribuitur in Scriptura quod sit, & solus sit, fundamentaliter scilicet & à se, Exod. 3. & Iob. 4. Tum etiam quia vel id ester à creaturis iam prodicatis, atque ita falsè mediate & remote à Deo: vel à seipso: idque vel casualiter: quod implicat, cum nihil à seipso produci possit, saltem productione prima: vel fundamentaliter: quod etiam implicat, quia quod est sibi ipsi sufficiens fundamentum existendi, necessariò existit: imò hoc ipso est ens à se & Deus, summa necessitate existens. Quic-

Conclusio
affirmat.
Probatur
& Scripta

Probatur
ex Conclu-
sione.

3.
Probatur
ratione.

quid aitem iam non existit: certè hoc ipso constat quod non existat necessariò, ita ut non possit non existere. Ergo tale ens quod nunc re ipsa non existit, non potest existere à se ipso.

Colligemus ertid, etrasse contra fidem & Philosophiam non modò Appelleitas, Manichæos, & Cerdonianos, ponentes duo prima rerum principia, alterum bonum, alterum malum: sed & Recentiores aliquos qui volunt dñe hinc duo regula posse improducta, absolute necessaria & independencia. Alterum permanent & immensum, in quo Deus, & mundus, & cetera omnia localiter existant. Alterum fluens, & aeternum, quod sit mensura, aut quasi mensura rerum omnium. Quia duo spatia singuntur inalter, ut ait D. Augustinus, lib. 11. de civit. cap. 5. in fine, & sine villa necessitate ponuntur, cum res qualibet seiphs formaliter existere possint, & durare eo modo quo durant & existunt, aquæ ac illa spatia fictitia. Quorum etiam neutrum satis potest intelligi: & posterius vbinam sit, non potest assignari. Cur enim potius hic quam illuc? Immensum autem singere vanum est: cum sufficiat via veluti linea temporis æterni, ad effectu quem volunt, nempe mensurandas durationes rerum. Denique facta illa spatia subtrahi non possunt: & dominio Dei, sine iniuria ipsius, & sine Consciorum præ citatorum ac Scriptura restrictione voluntaria, seu potius temeraria depravatione, affirmantium constantissimè atque vniuersalissimè Deum esse factorem omnium visibilium & invisibilium: & ab initio temporis utramque de nihilo condidisse creaturam, spiritalem & corporalem &c. nihilque esse, aut permanere posse, nisi ex ipsius voluntate.

Contra easdem quoque fidei veritatē errantibus assertores quorundam complexè significabilium, quæ volunt est vera entia, distincta realitate omnibus substantijs, & accidentibus, ac modis se habendi: & quae voluntia non pendeant à Dei libertate: nemus ea omnia quæ sunt de possibilibus, aut de impossibilibus, ut talibus: quorū veritas obiectiva est necessaria, & independens à libertate divina voluntatis. Quod inane argumentū refutabilius: om. 3. dis. 2. sect. 2. & 3.

Peccatum secundum unitatem actus peccati, in quo fundatur denotatio malitia moralis & culpabilis, à Deo etiam est, ut concurrente cum voluntate: licet ut illo non producatur talis actus eo modo quo ab ipso exigitur denominatio malitia culpabilis. Sumitur enim ex modo quo procedit actus & voluntate creata, libero cōtra debitū operante: non autem propter exitus à Deo concurrente secundum debitū, causa primā ad exigentiam causarum secundarum. At negationes sive possibilium, sive impossibilium, ut non sentientia, sed non entia seu negationes entis, actualis aut possibilis; ita neque produci-

biles sunt. Nam negationes, sive possibilium, ut v.g. plurium mundorum, quæ negationes sunt contingentes, quatenus ea quæ negant, possunt esse de facto: sive impossibilium, ut negatio pluriū Deorum, non sunt fuit proprie, neque fieri possunt. Quia non possunt accipere esse: sed consistunt in mero non esse actuali vel possibili: id est, in eo quod ea quorū sunt negationes, non sunt, aut non possunt esse. Possibilita quocunque, secundum Deum non est merè possibile in seiphs formaliter, non producuntur ut talia: quia non sunt, sed tantum possunt esse. Neq; etiam secundum esse talium, si quod habent in Deo, esse, siquam, cognitum quod in cognitione diuina, aut volitum in volitione, aut possibile in potentia. Quod esse non est aliud, quām ipsum esse cognitionis diuinae, vel volitionis, aut potentiae, quod tropice & impropriè tributur obiecto. Deus vero non est causa ut ipse cognoscatur, velit aut possit: neque etiam ut possibilia talia sint antecedenter aut logicè, per non repugnantiam ipsorum intrinsecè. Accepi ratiū debet, quod possibilia, secundum suum est possibile formaliter in se spectu, contineant enim nenter in essentia Dei, velut radice totius possibilioris creaturarum, in qua fundatur earum possibilias, & à qua velut à prima causa & fonte torius esse, produci posse debet & accipere e.c., quicquid aliud possibile est: ut notauimus disp. 22. num. 17.

Addo cum D. Thoma art. 3. qu. 44. Deum non modò esse causam efficientem aliarum omnium rerum: sed etiam exemplarem, & primum exemplar. Sic quatenus reflexè inveniatur virtualiter & imitatur in operando cognitiones suas practicas, quæ sunt ipse met Deus. Sic quatenus alias rationes suas essentiales directè cognitas imitatur, & creaturas illis assimilat: non specificè quidem, sed analogicè, vixit D. Thom. art. cit. ad 1. vel etiam quatenus illa ipsa cognitio practica creaturarum, dirigens voluntatem & potentiam executivam, est etiam catenus, & circa villam reflexionem, forma quam imitatur effectus ex intentione artificis operantis secundum illam: quod ad veram ideam rationem sufficere ostendimus disp. 2. sect. 4. Atque hinc illa rerum determinatio & dispositio pulcherrima, qualis cernitur in Vpiuerso, quam reducere neesse est vixit in primum principium, in sapientiam diuinam, quæ ordinem Vnuerfi excogitavit, in ipsa rerum distinctione precipue consistentem, ut recte ait S. Thom. art. 3. questionis citata.

Quod tamen non impedit, quoniam creatura sunt aut esse possint exemplaria, non tantum creaturis operantibus, ut facetur ibidem S. ful. Aliz. summa Doctor: Verū etiam Deo vnam producenti expiatio ad instar alterius, hoc est, cum assimilatione q. 1. secunda. Deus vixit, specifica vel analogica à se intenta. Sic Christus est exemplar prædestinatōrum, ut dicitur Roman. 8. v. 29. Eiusque mors, & resurrectio, est exemplar Baptismi, iustificationis, & resurrectionis nostræ à mortuis R. C. man. 6. & sequentib. Et Philip. 3. v. 21. Neque

Materiale
peccati nō
est sine co-
gitu Dei.

contra D. August. lib. 83. question. q. 46. sacrilegium vocans, sentire quod Deus extra se quicquam intueatur, ut secundum id res constituar. Loquitur episcopus de prima rerum productione, ante quam merito negat fuisse quicquam, quod Deus intuens, & imitans, mundum creaverit. Simili modo intelligendus est idem & alij Patres? quando negant Deum alterius ministerio vsum esse in mundo creando. Intelligunt enim de Angelis, aut similibus omnipotibus: vel de principijs absolutis & improductis: contra Manichaeos, Valentinianos, & similes hereticos. Alioquin vero docet Scriptura Genes. 1. & alibi saepius, Deum causarum secundarum ministerio in multis vsum esse, etiam in mundi creatione & opere sex dierum. Ut quando dixit Genes. 1. v. 11. Germinet terra herbam virentem, & facientem semen, & lignum pomiferum faciens fructum suum. Germinet, inquit, nempe etiam effectiu, iuxta natura sua conditio[n]em & virtutem naturalem, quam Deum tunc impediisse, aut deinceps impedire communiter, improbatum est.

11. Addo secundo, cum eodem D. Thomae art. 4. Deum esse quoque causam finalem omnium, iuxta illud Proverb. 16. Omnia propter semel ipsum operatus est Dominus, vel ut habet alia versio, operatu. Ratio D. Thomae est, quia cum omnis creatura sit participatrix quadam divina bonitatis, sui disfusae; hoc ipso quod Deus vult agere, intendit suam bonitatem, non ut acquirendam, sed ut communicandam creaturis quas producit. Confirmatur, quia Deus in omnibus suis operibus intendit primò & principaliter id quod optimum est, quod est sua ipsius bonitas. Ut enim recte ait Aristoteles 1. Ethic. cap. 7. Maius bonus magis semper experendum est. Et valet agenti finis ille debet esse propositus, qui est optimus. Deo autem nihil melius est; & ipse sapientissime rectissimumque ordine omnia operatur. Ergo &c. Eamque ob causam S. Dionys. cap. 4. de diuin. nom. parte 1. in fine, dicit amorem Dei esse circularem: quatenus Deus & si bonitate primariò dilecta, diligit creaturas: & has deinde in suam bonitatem & laudem referit. Quod tamen non ita intelligentur est, quod Deus alios quaque finis intendere nequeat, omnia tandem ad seipsum, per intentionem superiorum, velut ad finem ultimum referendo. Omnia enim propter electos aliquo modo sunt condita, ut ait Scriptura: Omnia vestra sunt, vos autem Christi, Christus autem Dei. 1. Cor. 3. v. 21.

12. Causalitas vero materialis, & formalis, propter suam imperfectionem Deo tribuit nequeunt. Important enim necessariò rationem incompleti & perfectibilis. Ac si Deus esset causa materialis rerum omnium, sicut est sufficiens, exemplaris, & finalis: continuò recipetur, perficeretur, & patetur multas formas quae in materiam, quoti-

die inducuntur. Pati autem, & perfici, & continuò mutari, alienissimum est à perfectione Dei, entis simplicissimi, & actus purissimi: Neque minus absurdum est, ut Deus rerum corporearum, etiam vilissimorum, sit forma, & pars essentialis, terminus, pulicum, & similem. Attamen non omnino munus materia vel forma Deo penitus repugnare doceat mysterium Incarnationis, in quo hypostasis Verbi diuini habet rationem componentis & perficientis intrinsecè: non ex necessitate, vel indigentia, sed potius ex abundantia & sufficientia perfectio[n]is, ut in tractat. de Incarnatione dicetur.

SECTIO VI.

De modo emanationis creaturarum à Deo.

Doctrina D. Thomae hac de re, tota q. 45. ad duo capita præcipua euocari possunt. Primum, quo genere actionis extra omnia à Deo processerint, an creatione strictè sumpta, vel alia? Secundum, an & quomodo soli Deo conueniat creare?

Circa primum, D. Thom. art. 1. docet D. Thom. creationem strictè sumptam nihil esse aliud quām productionem rati ex nihilo. Particula vero, ex nihilo, negat concursum subiecti sive causæ materialis, ex qua eductu concurrenter res fiat: ut recte exponit Suar. Disp. 20. Metaphys. sect. 1. post. Anselm. in Monolog. cap. 8.

Hinc D. Thom. infert art. 2. tale genus actionis non solum esse Deo possibile: sed etiam planè necessarium esse, quæcumque prater Deum existunt, fuisse omnia ab ipso creata, proximè scilicet, vel remotè & fundamentaliter. Quatenus vel immediate producuntur ex nihilo, id est, non ex subiecto presupposito, vel Angeli, anima rationales, & materia prima: vel si ex aliquo subiecto educuntur immedieate, ut accidentia & forma substancialis materiales, remoto tamen & fundamentaliter fiunt ex nihilo, quatenus ipsum subiectum ex quo fiunt, non productum ex nihilo, id est, non ex aliquo subiecto presupposito. Ad id confirmandum adducit S. Thomas sc. 3d contra illud Genes. 1. In principio creavit Deus cœlum & terram. Quod interpretans Concil. Lateranense cap. 1. de Summa Trinit. Is. inquit, Deus supposuit, ab initio temporis utramque ex nihilo condidit creaturam, corporalem et spiritualem, angelicam & mundanam. Et quidam cum (ut recte ait S. Thom. art. 1. & 2. In corp.) Deus sit effector rerum omnium extra existentium, nulla prorsus excepta: & Deus nihil ex seipso tanquam ex subiecto produxerit, quia modus conuendi subiectu & materialiter est imperfectus, ac Deo disconueniens: sequitur Deum fecisse aliquid ex non subiecto, ipsum saltem subiectum ex quo coepit effectio. Nam quod

Fuit necessaria in mundi productione,

Lateran.

DDD 4